

Lapan mahasiswa UMS mara ke Pertandingan UCSE melalui Projek Singgah Kopi

UB 30.01.2024 P.04

KOTA KINABALU: Pasukan Singgah Kopi UMS 1 yang mewakili Kelab YOSH UMS terpilih untuk melangkah ke peringkat seterusnya program University-Community Enterprise (UCSE) dan University Social Enterprise Competition (USEC) menerusi 'Business Pitching' yang diadakan secara dalam talian pada 8 Januari lalu.

Ia dianjurkan oleh Kementerian Pendidikan Tinggi (KPT).

Dalam pertandingan yang melibatkan 86 projek dari Institusi Pengajian Tinggi Awam (IPTA) dan Institusi Pengajian Tinggi Swasta (IPTS) di seluruh Malaysia,



BERJAYA: Mohd Asran (kiri) dan Shahhizattul bergambar sebelum 'pitching' secara dalam talian bermula.

pemenang akan mendapatkan geran bernilai sehingga RM40,000 untuk menjayakan projek mereka.

Pasukan Singgah Kopi UMS telah mencapai kejayaan cemerlang yang membolehkan mereka meneruskan per-

jalanan seterusnya.

Pasukan diwakili oleh Mohd Asran Lataga selaku Ketua Projek dan disertai Nurin Rifqah Khairudin, Nurul Najla Erwan, Shahhizattul Akma Sajali, Muhammad Aiman Abdullah, Emely Thu Jia Wei, Vinothini A/P Chandramohan serta Muhammad Faris Huzaimi.

Dengan persiapan yang sangat ringkas dan singkat, pasukan Singgah Kopi tidak menyangka mereka akan berjaya ke peringkat seterusnya.

Mohd Asran mengucapkan terima kasih kepada dua mentor yang membimbing pasukan Singgah Kopi UMS dari Kelab YOSH UMS itu.